

P. 559, L. 5【佛默然而坐。四眾亦皆默然】《法華經演義》卷 5：「如來默然而坐。是受其讚嘆。四眾亦皆默然。是敬其讚嘆也。」(X33,p.229,a10-11)《法華經大成》卷 7：「默然坐者。攝盡今時。全歸實際也。四眾亦默然者。師資道合。不動纖毫也。」(X32,p.493,c1-2)《法華經指掌疏》卷 5：「是時下。促長令短。釋迦默然者。接上上機。目擊而道存。故眾亦默然者。遇的的事。目瞠而口癡故。如來不思議力。促時劫以安法相。故云令諸大眾。謂如半日。」(X33, p.637,c21-24)

P. 559, L. -4【將燈王國中大師子座而入丈室】《維摩詰所說經》卷 2〈不思議品 6〉：「爾時舍利弗見此室中無有床座，作是念：「斯諸菩薩、大弟子眾，當於何坐？」長者維摩詰知其意，語舍利弗言：「云何仁者！為法來耶？求床座耶？」舍利弗言：「我為法來，非為床座。」維摩詰言：「唯，舍利弗！夫求法者，不貪軀命，何況床座？…是故，舍利弗！若求法者，於一切法，應無所求。」說是語時，五百天子於諸法中得法眼淨。爾時長者維摩詰，問文殊師利：「仁者遊於無量千萬億阿僧祇國，何等佛土有好上妙功德成就師子之座？」文殊師利言：「居士！東方度三十六恒河沙國，有世界名須彌相，其佛號須彌燈王，今現在。彼佛身長八萬四千由旬，其師子座高八萬四千由旬，嚴飾第一。」於是長者維摩詰現神通力，即時彼佛遣三萬二千師子座，高廣嚴淨，來入維摩詰室，諸菩薩、大弟子、釋、梵、四天王等，昔所未見。其室廣博，悉皆包容三萬二千師子座，無所妨礙。於毘耶離城，及閻浮提四天下，亦不迫迮，悉見如故。」(T14,p.546,a4-b10)

P. 560, L. -6【三世互入】《大乘起信論裂網疏》卷 4：「謂色即真如，故即非色非心，亦即能色能心。心即真如，故亦非心非色，亦即能心能色。是以色即是心，即可名為智身，則一切唯心。心即是色，即可名為法身，則一切唯色。依此非色非心、而色而心之法身，是以如來所現色身，橫遍豎窮，名為自受用報。菩薩托之為本質境，各見差別，名為他受用報。雖復互遍，亦無所在，是以不相障礙，無有斷絕也。」(T44,p.450,a8-16)

P. 560, L. -3【佛神力故五十小劫如半日，見諸菩薩徧滿無量國土虛空】《妙法蓮華經文句》卷 9〈釋從地踊出品〉：「五十小劫與半日者，此是時節不可思

議。如來所見，不以二相；下方菩薩常面稱揚，如來默然常受其讚。解者，即短而長，謂五十小劫；惑者，即長而短，謂如半日。斯為本迹而作弄引，如來未說，闇本而執迹；佛若開顯，悟近而達遠，亦知不思議一也。四眾遍見菩薩者，亦是不思議也。夫肉眼、天眼所見不遠，而今所觀充滿虛空，見雨猛知龍大，見花盛知池深，見應滿虛空，則知真彌法界也。」(T34,p.125,a26-b6)《法華文句記》卷9〈釋踊出品〉：「解惑俱機。故使菩薩即短而見長，執者即長而見短。如萬像森羅，凡夫謂異，二乘為如，如來見之，非如非異、而如而異。既云『令諸大眾謂如半日』，即促彼長令其見短，故云隱長；廣狹亦爾。如有漏報法，尚乃盲者在明而無見，蝙蝠於夜而能視，故知明暗在眼，非境爾也，況機應相召、今昔之力。」(T34,p.324,c9-16)「肉天二眼，任其自力，所見不遙，今忽見遠，知非己力，即知如來現此神變，必說妙法。次『雨猛華盛』譬見應也。『龍大池深』譬知真也。『見應』下，合譬也。見諸菩薩應相既多，必並證得彌法界真。祇向見短之人而見於廣，廣若是機，短豈專應？既見即狹之廣，理亦方見即短之長；密表當破無明，故且抑其一分。」(T34,p.324,c28-p.325,a6)

P. 562, L. 2【初標四導師者】《法華經指掌疏》卷5：「又此菩薩。雖各據一行立名。而一即一切。實無優劣。此是列名最為上首等。乃標其德。準前同時涌出文云：一一菩薩皆是大眾唱導之首。故知依次徐來之眾。除眷屬外。皆為唱導。而同時涌出之眾。乃唱導中之上首。今此四賢於同時涌出眾中。又獨能超拔。故置最為等言。」(X33,p.638,a19-b1)「在大下。合掌問訊。法身真常。本無病惱。隨所行處。無不安樂。問以少病少惱。及安樂行者。順世儀也。受教易。則慧命不絕。不疲勞。則堪忍久住。皆為此際切問。爾時下。說偈重頌。教化眾生。即長行『行』字。得無疲倦。即長行『安樂』二字。餘準知。」(X33,p.638,b1-6)

P. 562, L. 2【法慧德林金剛幢金剛藏】《大方廣佛華嚴經隨疏演義鈔》卷4：「第一會普賢菩薩。入毘盧遮那如來藏身三昧(普賢三昧品3)。第三會法慧菩薩。入菩薩無量方便三昧(十住品15)。第四會功德林菩薩。入菩薩善思惟三昧(十行品21)。第五會金剛幢菩薩。入智光三昧(十迴向品25)。第六會金剛藏菩薩。入菩薩大智慧光明三昧(十地品26)。第七會如來自住剎那際三昧(十定品27)。第八會普賢菩薩。入佛華(莊)嚴三昧(離世間品38)。第九會如來。自入師子頻申三昧(入法界品39)。」

(T36,p.32,b17-24)

P. 562, L. 3+4【開示悟入佛知見】《妙法蓮華經玄義》卷 5：「南岳師解云：「開佛知見是十住位；示佛知見是十行位；悟佛知見是十迴向位；入佛知見是十地、等覺位。皆言佛知者，得一切種智也。皆言佛見者，悉得佛眼也。」又《經》云：「是為諸佛一大事因緣」者，同入一乘諸法實相也。」(T33,p.735,b2-7)《法華經演義》卷 5：「上行者。此之菩薩已能開佛知見。而登十住之位。則其所有之行。超於三乘五教、七種方便之上。故名上行也。無邊行者。此之菩薩已能示佛知見。而登十行之位。則能以法界無邊之行。圓觀圓照。而為修習。故名無邊行也。淨行者。此之菩薩已能悟佛知見。而登十向之位。若未悟佛知見已前。則所有之行猶有事理、因果、自他之別。此則不得名淨。今既悟佛知見。而入於十向。則無事不理。無因不果。無自不他。而事理圓融。因果一致。自他平等。其行乃最為清淨之者。故名淨行也。安立行者。此之菩薩已能入佛知見。而登十地之位。已破四十品無明。已顯四十分三德。自能任運流入薩婆若海。無上菩提之行從此安立。故名安立行也。四人分釋如此。尅實而論。四人一一皆具四十位之功德。是名上行。乃至安立行也。」(X33,p.229,b6-20)

P. 563, L. 5【略明十異】《法華文句記》卷 9〈釋踊出品〉：「言十意者，雖佛慧不殊，化緣生熟，顯晦仍別，是故略須述其異同，不可事異令佛慧殊，豈佛慧同令教一概？二酥時異，佛慧必同，況復猶是一佛所化，應須了知異本非異。」(T34,p.325,a22-26)

P. 563, L. 5【華嚴初成道】《法華文句記》卷 9〈釋踊出品〉：「始見今見者，《華嚴》始見，經文自云『始成正覺』，後文祇是廣明因果之相、依正通同，所以一經之內三處明文：即〈世主品〉初、〈名號品〉初、〈十定品〉初，皆云『於菩提場始成正覺』，以成始故，見者成初。今即《法華》，乃於王城開佛知見，能見所見，境智何殊？」(T34,p.325,a28-b5)《大方廣佛華嚴經》卷 1〈世主妙嚴品 1〉：「如是我聞：一時，佛在摩竭提國阿蘭若法菩提場中始成正覺。」卷 12〈如來名號品 7〉：「爾時世尊在摩竭提國阿蘭若法菩提場中始成正覺」卷 40〈十定品 27〉：「爾時世尊在摩竭提國阿蘭若法菩提場中始成正覺」

P. 563, L. 7【不須開合】《法華文句記》卷 9〈釋踊出品〉：「《華嚴》望小，且名不開；猶帶於漸，故名不合。於彼不入，為今今入，更開於小，三昧調之，今經方合。……一佛化事，同異宛然。但彼無小機，在初名頓，自開小後，名漸歸頓，開合雖殊，二頓不別。」(T34,p.325,b5-13)

P. 563, L. 8【華嚴豎入】《法華文句記》卷 9〈釋踊出品〉：「《華嚴》且約入法界邊，及從初住終至十地，名為豎入；經四十二位，故名為廣。且約不用六方便邊，故名橫略；方便對實，故名為橫。若準廣論行願、佛身佛土、相好名字，身土四句，主伴十方，亦是橫廣。」(T34,p.325,b13-18)《法華經文句輔正記》卷 9：「不用六方便者，七方便中但用於別教也。」(X28,p.781,a15)

P. 563, L. -4【阿僧祇及隨好品】《大方廣佛華嚴經》卷 45〈阿僧祇品 30〉：「爾時，心王菩薩白佛言：「世尊！諸佛如來演說阿僧祇無量、無邊、無等、不可數、不可稱、不可思、不可量、不可說、不可說不可說。世尊！云何阿僧祇乃至不可說不可說耶？」佛告心王菩薩言：「善哉善哉！善男子！汝今為欲令諸世間入佛所知數量之義，而問如來、應、正等覺。善男子！諦聽諦聽！善思念之！當為汝說。」時，心王菩薩唯然受教。」(T10,p.237,b7-15)卷 48〈如來隨好光明功德品 35〉：「爾時，世尊告寶手菩薩言：佛子！如來、應、正等覺有隨好，名：圓滿王。」(T10,p.255,c11-14)

P. 563, L. -3【菩薩被加而說】《大方廣佛華嚴經》卷 16〈十住品 15〉：「爾時法慧菩薩承佛威力，入菩薩無量方便三昧。以三昧力，十方各千佛剎微塵數世界之外，有千佛剎微塵數諸佛，皆同一號，名曰法慧，普現其前，告法慧菩薩言：『善哉！善哉！善男子！汝能入是菩薩無量方便三昧。善男子！十方各千佛剎微塵數諸佛，悉以神力共加於汝。又是毘盧遮那如來往昔願力、威神之力，及汝所修善根力故，入此三昧，令汝說法。』」(T10,p.84,a1-9)